



Publicaziuns dalla vischnaunca, jamna 13

Damondas da baghegiar

Nr. 2012-1020

Datum da publicaziun: 30 da mars 2012

Il patrun: Vischnaunca Disentis/Mustér, Via Cons 2, 7180 Disentis/Mustér

Il representant: Uffeci da baghegiar, Caum postal 57, 7180 Disentis/Mustér

Object: Construcziun da 13 parcadis, parcelas 958/959, Via Cons, 7180 Disentis/Mustér

Nr. 2012-1021

Datum da publicaziun: 30 da mars 2012

Il patrun: Heinrich Riedi, Pardomat 6, 7180 Disentis/Mustér

Il representant: Lamoth Architekten ETH SIA, Speerstrasse 14, 8832 Wilen b. Wollerau

Object: Construcziun d'in lidimer cun puschinera, parcella 350, Pardomat 6, 7180 Disentis/Mustér

Nr. 2012-1022

Datum da publicaziun: 30 da mars 2012

Il patrun: Vischnaunca Disentis/Mustér, Via Cons 2, 7180 Disentis/Mustér

Il representant: Uffeci da baghegiar, Caum postal 57, 7180 Disentis/Mustér

Object: Avertura dalla zona da mistregn a Pignola, parcella 181, Pignola, 7180 Disentis/Mustér

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 27-3-2012

Uffeci da baghegiar Disentis/Mustér

Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziu suandont project:

Nr. 2012-2008

Rita Furger, Via Sogn Placi 6, 7180 Disentis/Mustér; colurar las fatschadas, las schalusas ed igl esch-casa, casa sin parcella 922, Via Sogn Placi 6, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 26-3-2012

Uffeci da baghegiar Disentis/Mustér

Administraziun communal

Sur Pastgas ei l'administraziun communal serrada naven da **gievgia, ils 5 d'avrel 2012 allas 16.00 entochen mardis, ils 10 d'avrel 2012 allas 9.00.**

Administraziun communal Disentis/Mustér



Lenna da brisch

Damondas per lenna da brisch cun indicar il quantum en m³ (sper la piazza da lenna a Fontanivas ni franco a casa) ein da far en scret **entochen ils 13 d'avrel 2012** agl uffeci forestal dalla vischnaunca da Mustér, Werner Müller, caum postal 57, 7180 Disentis/Mustér, ni e-mail: uffeciforestal@disentis.ch.

Uffeci forestal Disentis/Mustér

Carrar sin vias d'uaul e vias funsilas

Sebasond sin la lescha forestala sco era il reglament da traffic basegna ei ina carta da controlla per astgar carrar sin las vias d'uaul e las vias funsilas. Retscheiver ina carta annuala san:

- a) proprietari ed affittaders da beins immobiliars pigl access al schischom;
- b) furniturs, glieud da professiun, guardiacomonas, concessiunaris (putaders d'ina patenta cantunala ni communal) per praticar lur activitads.

La taxa persuerter munta frs. 100.–. Cumpriu en quella summa ein 2 cartas annualas (ina da quella ei transmissibla). Da niev sa la carta era vegnir retratga en fuorma d'in taccader (oravontut per motors e quads).

Taxas da carrar

Carta dil di frs. 15.–
jarnila frs. 30.–
annuala frs. 100.–

Las cartas ein da retrer tier l'administraziun communal. Las cartas dil di san, oravontut cura che l'administraziun communal ei serrada, era vegnir retratgas ella caffetaria dil Center da sport e cultura. La polizia communal controllescha il carrar sin las vias d'uaul e castigescha surpassaments.

Diever agricol

Per maschinas agricolas basegna ei negina carta da controlla. Pil diever agricol cun auters vehichels sto vegnir retratg tier l'administraziun communal ina carta da legitimaziun. **La taxa persuerter munta a frs. 20.–.**

Attenziun

Las vias d'uaul e las vias funsilas vegnan oravontut la primavera, cura ch'il terren entscheiva a sgargliar, strapazzadas il pli fetg. Ord quei motiv supplichein nus da carrar sin las vias cun il dui risguard. – Bien engraziament per la capientscha.

Suprastonza communal

Forester Werner Müller banduna Mustér per sorprender ina incarica speciala tier la SBB

Dapi biebein sis onns diregia Werner Müller il revier forestal da Mustér cun grond engaschament e success. En quei interval ha el realisau numerus projects. Menziun speciala mereta il luvratori per il menaschi tecnic a Cuoz sco era la reuniun dalla grupp da stradalesser cun quella dil forestalesser en in survetsch tecnic. Werner Müller ei adina sestentaus d'introducir novs systems e da raziunalisar il menaschi tecnic. Il davos onn ha el tgamunau las preparativas per crear la cuminonza da maschinas forestalas per la Cadi.

Dacuort ha Werner Müller survegniu la pusseivladad da sorprender ina incarica speciala tier la Viafier federala per la tgira diils uauls da schurmetg sper la reit viafierila els cantuns Turgovia, Schaffusa e Turgovia. Per quei demissiunescha el sco forester communal e cau dil menaschi tecnic dalla vischnaunca da Mustér per l'entschatta d'uost 2012.



La suprastonza communal deplorascha grondamein quella partenza, ha denton capientscha per la decisiun persunala da siu capavel e premurau collaboratur. Ella engrazia cordialmein a Werner Müller per l'enorma e buna lavur prestada e per la emperneivla e fritgeivla collaboraziun, giavischond ad el tut bien pil futur.

La piazza vacanta vegn scretta ora ils proxims dis, sinaquei ch'ella sappi vegnir occupada ton pli spert da niev.

Suprastonza communal Disentis/Mustér

Midada d'adresa enteifer vischnaunca

Tgi che mida casa enteifer la vischnaunca ei obligaus d'annunziar la nova adresa all'administraziun communal enteifer 8 dis.

Controlla da habitonts Disentis/Mustér

Controlla da habitonts

Naschientscha

Timo Claudio Manetsch, naschius ils 14 da mars 2012, fegl da Placi e Lidia Manetsch-Ziegler.

Stagiun da pestga 2012 – emissiun dallas patentas

Mira sut Surselva!

Corporaziun d'aua Spina da vin Invit alla radunonza generala 2012

Commembras e commembers ein cordialmein envidai

**Gliendisdis Pastgas, ils 10 d'avrel 2012
allas 20.15 el hotel «Alpsu».**

Tractandas:

1. Beinvegni
2. Elecziun da dus dumbravuschs
3. Protocol, approbaziun
4. Rapport dil president
5. Rendaquen, rapport dils revisurs e dar scarica
6. Projects novs
7. Preventiv e program da lavur
8. Elecziuns: in commember da suprastonza (vicepresident)
9. Varia

Suenter la radunonza vegn offeriu in mudest refrestg. Tuttas commemorbras e tuts commembers ein cordialmein envidai e beinvegni.

Per la suprastonza
il president: Edwin Deflorin



Sperrung der Mompé-Medel-Strasse

Die Momp.-Medel-Strasse, Tunnel Mompé Medel, km 0,00 bis km 0,65, muss infolge Sanierung der elektrischen Anlagen ab Dienstag, 10. April 2012, bis Freitag, 27. April 2012, sowie ab Sonntag, 10. Juni 2012, bis Freitag, 29. Juni 2012, jeweils von 20.00 bis 06.00 Uhr für jeglichen Verkehr gesperrt werden.

Umleitung: Es besteht keine Umfahrungsmöglichkeit.

Bemerkungen: Jeweils **zwischen 21.00 und 21.15 Uhr sowie 22.30 und 22.45 Uhr** besteht eine Durchfahrtsmöglichkeit.

Fussgänger und Velofahrer können den Tunnel jederzeit passieren. Von Freitag, 6.00 Uhr bis Sonntag, 20.00 Uhr ist die Baustelle normal befahrbar.

Rückfragen sind zu richten an: Telefon 081 632 56 11.
Kantonspolizei Graubünden, Verkehrstechnik

Uniun samaritana Mustér

Cuors: Agid d'urgenza tier affons pigns (Notfälle bei Kleinkindern)

Sonda, ils 14 d'avrel 2012 dallas 13.30–17.30
e sonda, ils 21 d'avrel 2012 dallas 8.00–12.00

Il cuors sedrezza a mummas e babs, tattas e tats ed a tut las personas che han da far cun affons pigns.

Ulteriur sclariment ed annunzias **entochen ils 5 d'avrel 2012** tier: Yvonne Flepp, tel. 081 947 50 35, e-mail: yvonne.flepp@kns.ch

Uniun da dunnas Mustér

Mummas cun affons pigns

Seruschnar – paterlar – termagliar

Tut ils affons da 0 entochen 3 onns cun lur mummas e fargliuns ein cordialmein beinvegni **mesjamna, ils 4 d'avrel 2012 dallas 15.00–16.30** per passentar in bi suentermiezdi da cumpignia el local Artgin.

Per damondas ni sclariment stat Nathalie Lutz, tel. 081 947 61 94 bugen a disposiziun.

Mummas cun affons pigns Mustér

Communicaziun ed appel

Buca disturbar las selvaschinas–buca ir suenter cornas

Mira sut Cadi!

Uniuns da dunnas/Frauenvereine Cadi

Cuors: Tgira en famiglia sco pensum

Kurs: Pflege in der Familie als Aufgabe

Mira/siehe unter Cadi!



Ludoteca Mustér

Liug/Ort: Halla Cons, tel. 076 494 39 92

e-mail: ludoteca@disentis.ch

Uras d'avertura/Öffnungszeiten:

Gliendisdis/Montag: 18.30–20.00

Gievgia/Donnerstag: 16.00–17.30

Venderdis/Freitag: 18.30–20.00

Biblioteca populara Disentis/Mustér *Dibiost.ch ed il rispli auditiv Ting*

La biblioteca vegn tier Vus! Naven d'immediat ei la biblioteca populara colligiada cun la biblioteca electronica «Dibiost.ch» (Digitale Bibliothek Ostschweiz). Varga 13 000 medias (cudischs auditivs, e-books, e-music, e-video etc.) stattan a disposiziun per cargar giu digl internet e per empristar, da tuttas uras e gratuitamein. La suletta cundiziun ei d'haver in abbonament da nossa biblioteca.

Fuffergnei nunligiontamein sin www.dibiost.ch/Virtuelle Führung. Dapli informaziuns survegnis Vus ella biblioteca populara.

Ting – il rispli auditiv dat veta als cudischs. Nus havein acquistau in set da demo ed entgins cudischs da Ting per tut las vegliadetgnas. Empruei la nova moda da tedlar e d'experimentar cudischs.

Nus selegrein da nossa nova purschida – e nus selegrein sin Vus.

Biblioteca populara Disentis/Mustér

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér